

كوني معي

(شعر شعبي)

كوني معي بكل مطرح
تنجمع وراق الحب ونفرح
ونخلي النظر هون يسرح
وتضل نظراتك بقلبي تجرح
ونرش فوق الدني رشات
من عطر العشق والحكايات
نوزع ع الكون كومة بسمات
والعشق فينا يصير يشطح
نعربش على الغيم بقلب السما
واحكيكي وتفهمي بالوما
وقلبك بقلبي اليوم احتما

ونظرات عيونك صارت تدبح
اركع وللرب أدعي وصلي
والصوت اصرخ وقول وعلي
بحبك يا قمر سماي المتجلي
ومن هون انا مارح اسرح
وبمدرسة حبك قلبي وعي
وعيونني تقلك يلا اليوم تعي
من غيابك قلبي بلا وعي
بغير مدرستك ما بنجح

.....